

Esitadasi **Di mpátiri tō tì náàntì**

Esitadasi nè Næemii de kó yepáte yedé ti náá nSifube bè do pĩmú bè kékònnè Babidònni kè bèè konní be èi Sedisademmu, be kó tináàntì nti.

Tìi wàri de kó yepáte yedé ye mieke tìi dōò tìnti yebie ntekòutè mieke. Esitadasi kó dipátiri ti náá mPeresi tenkè kóo kpààti Siduusi pāmè mme kuce meketimè Sifube kè bè konní Sedisademmu. Bè do konní kékété kémaá diwūōtōnni ndi bè do feu dè iwūō Kuyie, de kó difōnkúò yebie mmayè kè bèè maá Kuyie ncīētè Dadiyuusi tu dii mōnni okpààti (5:1-2). Asee nè Sakarii bè tu dii mōnni ndi Kuyie mpāānāàntì náām̀bè. Kè dendee pēētè kè Peresi tenkè kóo kpààti Aditakisii tō Esitadasi wèè do tú ikuó niùtì nè i wāàti Sedisademmu, kòo yáúkūnne benitibè kōnti Kuyie mbáámmù bíékè.

Di mpátiri náàntì duó ke dōmmè

1. Okpààti duómmè dinùù Sifube kè bè bo kò nkémaá Kuyie ncīētè 1
2. Sifube bèè kò nKuyie ncīētè kó mumarimù 2
3. Bè íimmè Kuyie mbáámmù 3
4. Be dootitòbè kó tináàntì kéntò kētuokenè bè baámmè diyentébanni 4-6
5. Esitadasi pĩ mmùù tōmmù 7-10

Okpààti Siduusi duómmè dinùù kè Sifube bo kò nkémaá Kuyie ncīētè

¹ Pɛrɛsi tenkè kóo kpààtì Siduusi kpàtì benni ketirì miɛkɛ kè ti Yiè nKuyie nní ndó kédòò kù do nàké tì ku pããnáãntì náãntò Sedemii kòò tì wàri. Mɛm̃mɛ ti Yiè nKuyie mbenkɛmè okpààtì Siduusi ò dò nkédòò tì kòò tì wàri, kɛpĩɛkɛ kɛ dò:

² Ti Yiè nKuyie nkùù bo kɛĩnkè kuù n duó nyekpààtiyɔ yem̃ou kutenkù kè n yè baké. Kuù n nàké kɛ tú n kù maá tɛɕĩɛtè Sedisadɛmmu Sudaa tenkè miɛkɛ.

³ Dɪndi bèè kó dimàà tu ku kɔbɛ kù ndi bonè kè di kɔtɛ Sedisadɛmmu Sudaa tenkè kè kù maá tɛɕĩɛtè. Kuyie nyIsidayɛribe tũ nkù bo Sedisadɛmmu nwe.

⁴ Isidayɛribe bo yèè kàrè kɔbɛɛ yíé timátì péítì nè mɛsɔɔ nè tinɛntì nè iwũɔ kè bè pãnè yɛpãrè bɛ yèmmè kpɛyɛ ti Yiè nKuyie nɕĩɛtè marimù kpéi nSedisadɛmmu.

⁵ Mɛm̃mɛ Sudaa wuɔ nkɔbɛ kó bɛkótíbè nè Bɛnsamɛɛ kɔbɛ nè ikuó nùbè nè Defiibe Kuyie nnampe bèè kó mɛyèmmè kè bèè íté kɛbáátí kɛ bo kò nSedisadɛmmu kɛmaá ti Yiè nKuyie nɕĩɛtè.

⁶ Kè bɛ pɛɛtitɔbèè bè teennè mɛsàà nké bè pãmmú timátì péítì nè mɛsɔɔ nnè tinɛntì nè iwũɔ nè tinɛntì tɛtì tii donku yóù, bè í nkàannè ketíkɛ bèè dó kɛpã nè bɛ yèmmè bɛ kó yɛpãrè.

⁷ Dɛ kó difɔnkùò kòò kpààtì Siduusii duó nkè bèè dennɛní ti Yiè nKuyie nɕĩɛtè kó tinɛntì okpààtì Nɛbukannɛsaa do tùóté tì kɛtannè o bɔ̀ɔɕĩɛtè.

⁸ Kòò duó nkè odítisɔnniwè Mitidedati tì dènnɛní kɛkaa nké tì duó nSudaa kɔbɛ kóò kpààtì Sebasaa.

⁹ Ntɛ bè do kàa ndɛ kó tinɛntì kè tì mmàmè: Mɛsɔɔ nyɛbɔ sipísitàãti, timátì péítì yɛbɔ tɛkɔupíítè (1000), yɛsɛ sipísidé nè yèwɛi.

¹⁰ Isəbòòke sipísitàāti, timátì pèítì ibòòke isààyi tekəupíítè (1000), itèi ìì kó kuwenniku í ì mǎnnè sikəusìnàà nè tepíítè (410) nè titeti tekəupíítè (1000).

¹¹ Kè bèe tì bàte tisəonenti nè timátì pèítì kpeti kè tì mbo sikəupísìnùmmù nè sikəusìnàà (5400), kè Sebasaa ndè tɔ deməu bè iti dìi mǎnni ke kǔnti Sedisadəmmu.

2

Sifube bèè do kò nSedisadəmmu bè do mamè

¹ Nte Isidayeeriibe do ité Babidənni okpààti Nəbukannesaa do pǎrmú bè kè bè ntú tidaati o ciɛ, kéíté kékonní Sedisadəmmu Sudaa tenkè bá wè kòo kari o ɛì.

² Nte bèè do bè ni be yètè: Sodobabəedi nè Sosuwee nè Nəemii nè Sedayaa nè Ededayaa nè Maadosee nè Bidisanni nè Misipaadi nè Bikibaii nè Deummu nè Baana.

Bèè naàmùnti tu tii:

³ Padosi kó kunaàmùnkù kəbe do bo sikəupísidè nè tekòutè nè sipísiyiekè nè bèdébè mbe (2172).

⁴ Kè Sefatia naàmùnkù mbo sikəusitàāti nè sipísiyiekè nè bèdébè (372).

⁵ Kè Adaa naàmùnkù kəbe mbo sikəusiyiekè nè sipísiyiekè nè bènùmmù (775).

⁶ Kè Pasati-Məabu naàmùnkù kəbe mbo sikəupísidè nè sikəusini nè tepíítè nè bèdébè (2812), Sosuwee nè Soabu be yaábí nyi.

⁷ Kè Edammu naàmùnkù kəbe mbo tekəupíítè nè sikəusidè nè bènàà (1254).

⁸ Kè Satuu naàmùnkù kəbe mbo sikəusiwai nè sipísìnàà nè bènùmmù (945).

⁹ Kè Sakaii naàmùnkù kəbe mbo sikəusiyiekè nè sipísikuà (760).

- 10 Kè Bani naàmùnkù kàbe ríbo sikòusìkuò nè sipísìnàà nè bèdébè (642).
- 11 Kè Bèbài naàmùnkù kàbe ríbo sikòusìkuò nè sipísìdé nè bètããti (623).
- 12 Kè Asikadi naàmùnkù kàbe ríbo tekòupítè nè sikòusìdé nè sipísìdé nè bèdébè (1222).
- 13 Kè Adonnikammu naàmùnkù kàbe ríbo sikòusìkuò nè sipísìkuò nè bèkuò (666).
- 14 Kè Bikibài naàmùnkù kàbe ríbo sikòupísìdé nè sipísìnùmmù nè bèkuò (256).
- 15 Kè Adinni naàmùnkù kàbe ríbo sikòusìnàà nè sipísìnùmmù nè bènàà (454).
- 16 Kè Ateɛ naàmùnkù kàbe Esekiasi yaábí ríbo sipísìwei nè bèni.
- 17 Kè Besài naàmùnkù kàbe ríbo sikòusitããti nè sipísìdé nè bètããti (323).
- 18 Kè Yoda naàmùnkù kàbe ríbo tekòutè nè tepítè nè bèdébè (112).
- 19 Kè Asummu naàmùnkù kàbe ríbo sikòusìdé nè sipísìdé nè bètããti (223).
- 20 Kè Kibaa naàmùnkù kàbe ríbo sipísìwei nè bènùmmù.
- 21 Kè Bètideɛmmu kó teheitè kàbe ríbo tekòutè nè sipísìdé nè bètããti (123).
- 22 Kè Netofaa kó teheitè kàbe ríbo sipísìnùmmù nè bèkuò.
- 23 Kè Anatòti kó teheitè kàbe ríbo tekòutè nè sipísìdé nè bèni (128).
- 24 Kè Asimafeti kó teheitè kàbe ríbo sipísìnàà nè bèdébè.
- 25 Kè Kidiati-Yeadimmu nè Kefidaa nè Bedòti de kó yehèkè kàbe ríbo sikòusìyiekè nè sipísìnàà nè bètããti (743).
- 26 Damaa nè Kebaa kè de kó yehèkè kàbe ríbo

sikousikuò nè sipísìdé nè òmáà (621).

27 Kè Mikimasi èi kàbe míbo tekòùtè nè sipísìdé nè bèdébè (122).

28 Beteedi nè Aii kè de kó yehékè kàbe míbo sikousidé nè sipísìdé nè bètããti (223).

29 Kè Nèbo kó teheitè kàbe míbo sipísìnùmmù nè bèdébè.

30 Kè Makibisi èi kàbe míbo tekòùtè nè sipísìnùmmù nè bèkuò (156).

31 Kè Edammu tàù kó kuaàmùnkù kàbe míbo tekoupiítè nè sikousidé nè sipísìnùmmù nè bènàà (1254).

32 Kè Adimmu naàmùnkù kàbe míbo sikousitàãti nè sipísìdé (320).

33 Dòdi èi nè Adidi nè Onoo kè de kàbe míbo sikousiyiekè nè sipísìdé nè bènùmmù (725).

34 Kè Sedikoo èi kàbe míbo sikousitàãti nè sipísìnàà nè bènùmmù (345).

35 Kè Sennaa èi kàbe míbo sikoupiítè nè sipísìdé nè sipísitàãti (3630).

36 Kè ikuó niùbè Yedaya naàmùnkù kàbe Sosuwee yaabí míbo sikousiwei nè sipísiyiekè nè bètããti (973).

37 Kè Imee naàmùnkù kàbe míbo tekoupiítè nè sipísìnùmmù nè bèdébè (1052).

38 Kè Pasuu naàmùnkù kàbe míbo tekoupiítè nè sikousidé nè sipísìnàà nè bèyiekè (1247).

39 Kè Adimmu naàmùnkù kàbe míbo tekoupiítè nè tepíítè nè bèyiekè (1017).

40 Defiibe nè Sosuwee nè Kadimiedi Odafia kè be yaabí míbo sipísiyiekè nè bènàà.

41 Kè Asafu naàmùnkù kàbe míbo tekòùtè nè sipísìdé

nè bèni (128) beè do tú bedèmbè Kuyie nciḗtè miεε.

42 Sadummu nè Atee nè Tadiməə nè Akubu nè Atita nè Sobaii beè kó ibí do tú beè bàa Kuyie nciḗtè kó yebòrè kè bè mbo tekòtè nè sipísitàati nè bèwei (139).

43 Tisisa nè Asufa nè Tabaoti beè kó tinaàmùnti kəbe do pí mmutōnyəðmmù Kuyie nciḗtè miεε,

44 nè Kedosi nè Siyaa nè Padonni be naàmùnti kəbe,

45 Debannaa nè Akaba nè Akubu be naàmùnti kəbe,

46 Akaabu nè Sammudaii nè Annani be naàmùnti kəbe,

47 Kidedi nè Kasaa nè Edaya be naàmùnti kəbe,

48 Edetisinni nè Nekoda nè Kasammu be naàmùnti kəbe,

49 Usaa nè Pasiyaa nè Besaii be naàmùnti kəbe,

50 Asina nè Meunimmu nè Nefusimmu be naàmùnti kəbe,

51 Bakibuku nè Akufa nè Aduuri be naàmùnti kəbe,

52 Basiduti nè Meyida nè Adisa,

53 Badikosi nè Sisedaa nè Tamasi be naàmùnti kəbe,

54 Nesiasi nè Atifa be naàmùnti kəbe.

55 Sadoməə kó betāmbè kó tinaàmùnti kəbe do tú: Sotaii nè Sofedeti nè Peduda be naàmùnti kəbe,

56 Yaada nè Dadikonni nè Kidedi be naàmùnti kəbe,

57 Sefatia nè Atidi nè Pokedeti-Asebaimmu nè Ami be naàmùnti kəbe.

58 Beməu kè bèe wēnné kəmbo sikəusitàati nè sipísiwei nè bèdébé (392).

59 Bèè do itè Babidənni kékò nSedisadεmmu kə í nna kénáké weti weti kébenkə bè tumè Isidayεribe.

Bèè do bonní bè mbe Tedi-Medaa nè Tedi-Adisaa nè Kedubu nè Adanni nè Imee.

⁶⁰ Dedaya nè Tobiya nè Nekoda be naàmùntì kabe mbe kè bè mbo sikousikuò nè sipísìnùmmù nè bèdébè (652).

⁶¹ Ikuó niùbè miεke kè bèmabè mbo: Obayaa nè Akikoti nè Badisidaii be naàmùntì kabe. Badisidaii do tùóté onitipòkù mōu nwe kòò tu Kadaadi eì kou, kòo tùóté de kó diyètìrì.

⁶² Kè bèe wammú o botí kó diyètìrì kémónté, ké bè bàa ikuó tōmmú.

⁶³ Kè kùmandáà bè bàa ke dò bè báá di bè pā mùu dii Kuyie kénkémmúnè ikuó niùti bo beémmè Kuyie nnè ikuó nenti bè tu tì udimmu nè tumimmu.

⁶⁴ Bemou kè bèe wēnné kémbo sikoupipísìnàà nè sikoupidé nè sikousitāāti nè sipísikuò (42360),

⁶⁵ ke né mbúútì tidaati nè benitipotōmbè kè bembε mbo sikoupiyiekè nè sikousitāāti nè sipísitāāti nè bèyiekè, (7337) kè benitidadembè nè benitipodembè, kè bembε mbo sikousidé (200).

⁶⁶ Kè sisēī mbo sikousiyiekè nè sipísitāāti nè sikuò (736), sāmmarímú nè sisēī dè wēnné ke peité sì kè sì mbo sikousidé nè sipísìnàà nè sìnùmmù (245).

⁶⁷ Kè yòyòbè mbo sikousìnàà nè sipísitāāti nè bènùmmù (435) kè sāmmarímúbè mbo sikoupiyiekè nè sipísidé (6720).

⁶⁸ Bè tùòke dii mōnni Sedisademma ti Yiè nKuyie ncīètè kó dihei kè be cēī kó bekótibè mabèe pāmmú be yèmmè kó yepārè kè bè bo wēte kémaánè Kuyie ncīètè te fōtìrì.

⁶⁹ Kè bèe pā be wērímú māmè kè de kó yepārè mbo yēsōwèrè sikoupipísikuò nè tekoupiítè (61000),

mēdítibii sikǽupísìnùmmù (5000), yekǽutéyaaǽbòrè tekǽùtè (100).

⁷⁰ Ikuó nìùbè nè Defiibe nè betǽbè bèè tu bedèmbè nè bèè bàa Kuyie ncǽtè kó yebòrè nè bèè tu betǽmbè te miεke, kè bèè kari yehεkè bè bè duó nyè kè Isidayεeribe sǽmbεε kari be εkè bè do te yè nè dimǽnnì.

3

Sosuwee nè Sodobabεedi bè wεte ke íimmè Kuyie mbáámmù

¹ Dibenni tǽnkù yiénwè miεke ke sǽ nyIsidayεeribe kǽri be εkè ke dèè. Kè bèè wεnné dinùù dìmáà kétíi nSedisadεmmu.

² Kè Yotisadaki birε Sosuwee nè o tebíi ikuó nìùbè tǽbè nè Sodobabεedi Seditieri birε nè o tebíi kè bèè íté kémaá diwǽǽtǽnnì Kuyie nyIsidayεeribe tǽ nkù kpréi nke bo kù fié iwǽǽ kù do duó nyìi kuó ku kóo tǽnti Mǽyiisi kòo ì wǽri ì yε ndè ndòmmè.

³ Bá nè bè do me ndémè dihei yεmbè kè bèè wεte kémaá ti Yiè nKuyie ndiwǽǽtǽnnì dì do bo dìi fǽtǽri kéfíe iwǽǽ, dikǽnwehñnì kpeyi nè kuyuoku kpeyi.

⁴ De kó difǽnkúò kébaá ntitouti kó dibanni tì wǽri ke yεmmè kéfíe Kuyie nyiwǽǽ bè do dò nké ì fiémè, dibanni kó yewe miεke bá dìi yìè nè di kó iwǽǽ ì dò nkémmàmè,

⁵ kéfíe bè ǽǽ fié ì bá dìi yìè kétuǽ, kéfíénè otǽnkù pǽnwè kó dibanni kpeyi nè ti Yiè nKuyie nkó yεbaa nteyè kpeyi. Ke né mbúútí be yεmmè kó yεpǽrè bè do kù pǽmmú yè.

6 Otánkù yiénwè kó diyie ketirì kè bèe keté bè bo nfeumè ti Yiè nKuyie nyiwũõ ke tuò mbá bè mu nyí dǒú ti Yiè nKuyie ncíètè kó dipũ.

7 Kè bèe yietí idíítí betácíèbè nè bedayaàbè, kéduó ntidiiti nè menaà nnè mekùò nSitõõ nè Tiiri èi kǎbe kè bè bo kǎte Dimaa kéwaá ndetekperè kó ideí ké dè tannéní dàméèrì, kè dèe cúté Safaa èi. Pèresi kóo kpààti Siduusi weè do bè duó ndinùù kè bèe mè dǒò.

8 Dibenni dérínni do ndi nè bè tùòkemè Sedisademu Kuyie ncíètè borè otánkù odèrì mièke. Kè Sedobabedi Seditieri bire nè Sosuwee Yotisadaki bire nè be tebíí nè ikuó niùbè nè Defiibe nè Isidayeribe sǎmbe bèè do konní Sedisademu, kè bèe keté mutǒmmú. Bè do tǎáté Defiibe mièke nke bedapàmbè bèè mǎke yebie nsipísidé sidé kéntǎ ke deètinko, kè bè nni ti Yiè nKuyie ncíètè kó mutǒmmú.

9 Mèmmè Sosuwee nè o bí nè o tebíí Kadimièdi nè o bí nè Odaya kó ibí, kè bèe wènné dinùù òmáà kénni Kuyie ncíètè kó betǒmbè kè Enadadi naàmùnkù kǎbe Defiibe mbè teénnè.

10 Bemaribè dǒú ndì mǎnnì ti Yiè nKuyie ncíètè kó dipũ kè ikuó niùbèe dáátí ikuó yààti kénheu sihéú, kè Defiibe Asafu naàmùnkù kǎbe tǔóté tikǎpenti ke bo sǎntenè ti Yiè nKuyie, Dafiti Isidayeribe kóo kpààti do tì wǎri ke yè ndè ndòmme.

11 Kè bè ndiè ke sǎntí ti Yiè nKuyie nke kù dǒúnnè mutǒmmú kè betǎbè cǒú nke tǔ kù wennimu ke dǒ Isidayeribe sǎã. Kè benitìbè bemǎu yìútí ke sǎntí ti Yiè nKuyie mbè dǒú mmèè kpéi ku cíètè kó dipũ.

12 Kè ikuó niùbè kusǔkù nè Defiibe kusǔkù bèè kòté ke do yà Kuyie ncíètè ketitè, kè bembè nti

yedabùò mbè d̄unko dìi m̄onni ti Yiè nKuyie ncīètè kó dipũ, kè betabè bie yíútí.

¹³ Bè í nna ke bàte iyútii nè yedabùò, dè do yiè ke d̄étírí mediè mme.

4

Sifube dootitabè do d̄òmè kécónné mutõmmú

¹ Kè Sudaa k̄abe nè Bensam̄e k̄abe kè be dootitabèe keè bèè konní Babid̄onni bè maámè ti Yiè nKuyie nyIsidaȳeribe tũ nkù cīètè,

² k̄éíté k̄ék̄ate k̄éyà Sodobab̄edi nè Sosuwee nè beheik̄enkótibè mabè ké bè nàké ke d̄ò: Ti d̄ó ke di w̄enn̄n̄emu kè ti maá Kuyie ncīètè, ti tũmmu di kó Kuyie. Nè Asidii kóo kp̄àt̄i Edi-Adonni ti t̄onímè die nti kù feumu iwũ.

³ Sodobab̄edi nè Sosuwee nè Isidaȳeribe kó bekótibè kè bèe bè nàké ke d̄ò: Dè báá yie nkè tí w̄enn̄é tínti nè díndi k̄emaá ti Yiè nKuyie nti tũ nkù tecīètè. Tíi d̄ò nké tè maá timáà. P̄eresi kóo kp̄àt̄i Siduusi weè ti duó ndinù.

⁴ Kè diheì k̄abe íté k̄écómmú ke bo yárík̄unne Sudaa k̄abe k̄ont̄i ké bè ãnné kuf̄owaá nkè bèe yóu mumarimù.

⁵ Kè bèe yietí P̄eresi kóo kp̄àt̄i t̄ombè kè bè bo cónné nKuyie ncīètè marimù kó mutõmmú. Kè bè mme nh̄õ Siduusi kp̄àt̄i tim̄ou mieke k̄etann̄enko Dariyuusi kpeti mieke.

Bè nàkémè okp̄àt̄i Aditakis̄esi Sifube kp̄éí

⁶ Okp̄àt̄i Siduusi kp̄àt̄i ketírí dìi m̄onni ndi Sifube dootitabè w̄arimè dipátírí k̄ewátí Sudaa tenkè k̄abe nè bèè bo Sedisad̄emmu.

7 Aditakisesei tu dìi m̀onni P̄eresi kóo kpààtì, k̀e Bisidammu ǹe Mitidedati ǹe Tab̄edi ǹe be t̄ontitòb̀e mab̀e, k̀e b̀e ̀ò ẁari dipátìri ǹe Aramu eì k̀obe kó tináāntì.

8 K̀e Deummu k̀umàndáà ǹe opátíwã̀tì Simisaii k̀e b̀e m̀unke ẁari dipátìri okpààtì Aditakisesei b̀e bo Sedisad̄emmu be kp̄eí nke d̀ò:

9 Mí nk̀umàndáà Deummu ǹe opátíwã̀tì ǹe tit̄ontitòb̀e b̀e bo Dinni eì ǹe Afadisataki ǹe Tadipedi ǹe Afadasi ǹe Edesi ǹe Babid̄onni ǹe Susi ǹe Dena ǹe Edammu de kó yeh̄ek̀e k̀obe,

10 ǹe ibotí teì okpààtì dieẁe Asinnapaa do p̄ím̀m̀uní b̀e k̀e b̀e k̀anne Sammarii ǹe kukó nh̄Efadati yáà kó yeh̄ek̀e teỳe.

11 Nte b̀e do ẁari dìi pátìri k̀edúò nhokpààtì Aditakisesei ke tú: Tínti a kó bet̄òmb̀e ǹe b̀e bo kukó nyáà ǹe betòb̀e, t̄i da ẁari di mpátìri,

12 ke d̀ó k̀e da náke k̀etú Sifube b̀e iténí a cie ke konní Sedisad̄emmu b̀e w̄ete ke maámu diheì dìi do yete a k̄peti, diheì yonkuri, b̀e ínkomu iduotí ke damm̀u ke bo d̀ó ndipũ.

13 Okpààtì, á nyé ke d̀ò nk̀e b̀e w̄ete ke di maá ke íi ndi duotí di ǹitib̀e t̄enke í yóó nyietì d̄ampòò yoo diheì kó idíítì yoo tipotantì kp̄eyi de m̀onni a nyé ke d̀ò nha eì c̄temu.

14 D̄e te tínti b̀e tu a kpààtiyuu k̀obe ke da m̀okenè metaumm̀e d̀e í ti naati b̀e bo da s̄enk̀erim̀e, d̄e te k̀e ti d̀ó k̀e t̄i nda náke.

15 K̀aa fié diheì kó yepáte de kó benitib̀e kó tináāntì k̀éyà de kó diheì do yetemu bekpààtib̀e k̄peti k̀end̄ari b̀e í d̀ó d̀e, b̀e baa yetírímu bekpààtib̀e ǹe b̀e bom̀e, d̄e do te k̀e b̀e p̄ante be eì.

16 Ti da náammu ke tú kàa yóu kè bè wète ke maá dihei ke íi nyiduotí a ténke í yó mmòke ketenkè kukó nyáà.

Okpààti Aditakisesi bè tḗnnémè dipátiri

17 Mèmmè kòo kpààtì wàri ké bè tḗnné ke dò: Mí nhokpààtì mû wàri di mpátiri kùmàndáà Deummu nè opátíwǎàtì Simēsaii, nè betōntitòbè bèè bo Sammarii nè betòbè bèè bo kukó nyáà mû di dɔunko.

18 Dipátiri di n duǎnní dì, bè dì nni nkàammu ke n cǎí.

19 Kè n duó nkè bè fié yepáte ke sǎ nde kó dihei nè dì bomè di í yíe mbekpààtìbè kpeti, ke ãà yekpàrè bá dīi mǎnni ke yetírí bekpààtìbè.

20 Bekpààtidièbè do buotémmu Sedisademmu kémbaké kukó nyáà kó yehékè kè bè mbè yieti dàmpòò nè ihèikèndíítí nè tipotantì kpeyi.

21 Nè de kpéí duǎnnè ké bèe cónné mutōmmú ke báá sǎoté mumarimù kénkémmúnè m bo wète kéduómmè dinùù.

22 Dí ndake ke báá wánnè de kó tináàntì kè mèè dǎke de kó mecaàrimè bo nsaké ke déúkú kè dè ti yonkenè tínti bekpààtìbè.

23 Bè kàa ndiì mǎnni okpààtì Aditakisesi wàri dīi pátiri kùmàndáà Deummu ùkè nè opátíwǎàtì Simēsaii nè betōntitòbè kè bèe íté mecǎā kékote Sedisademmu Sifube borè ke neínè behǎāpòmbè kécónné mutōmmú nè muwēírímú.

24 Mèmmè Kuyie ncǎètè marimù kó mutōmmú còmmúmè Sedisademmu, kéncommú kè dè yàà tuòkenè Peresi kóo kpààtì Dadiyuusi kpàtì benni dèrì.

5

Bè wète késòtémè Kuyie ncīètè kó mumarimù

¹ Kè Kuyie mpāānāāntì náam̀bè Ido bire Sakarii nè Asee, kè bè mbè nàá nKuyie mpāānāāntì Sifube bèè bo Sudaa tenkè nè Sedisadεmmu. Kè bè bè nàá nKuyie nyIsidayεeribe tū nkù kùù bè baké kù bè nàké tì.

² Mὲmε Sodobabεedi Seditieri bire nè Sosuwee Yotisadaki bire kè bèε íté kēpī nKuyie ncīètè mumarimù Sedisadεmmu mieke, kè Kuyie mpāānāāntì náam̀bè bè bonè ke bè teénnè.

³ De m̀nnì kè kukó nyáà kóo kùmàndáà Tatennaii nè Sedaa-Bosinaii nè betōntitə̀bè, kè bèε kote kébeke Sifube ke d̀: We ndi duó ndinùù kè di maà Kuyie ncīètè ke ínko iduotí?

⁴ Di yètè tu ba díndi bèè maà dihèi ke ínko iduotí?

⁵ Kè Kuyie mὲ nní m̀bonè Sifube kó bekótìbè bá bè í cò́nè be tōmmú, kè bè nsaké mutōmmú kékém̀m̀nè bè bo duómmè okpà̀tì Dariyuusi yὲpáte kòo bè tḗnè o kperi de kó tináāntì ñnkè.

Sifube dootitə̀bè wàri dì pátíri ke duó nDariyuusi

⁶ Nte dipátíri kukó nyáà kóo kùmàndáà Tatennaii nè Sedaa-Bosinaii nè betōntitə̀bè bè do duó ndìi pátíri Dariyuusi.

⁷ Nte bè do dì wàri m̀èè botí: Okpà̀tì diὲwè Dariyuusi ti da d̀unkomu, m̀bo kè dè naati.

⁸ Okpà̀tì ti d̀ó ké da náké ke tú: Ti k̀temu Sudaa kə̀be kó dikari Kuyie ncīètè borè ke s̀ mbè maà Kuyie ncīètè nè yetárè ke commu yὲsā̀nkè imarí cuokè ke pī mmutōmmú mesàà nkè mù kèrí.

⁹ Kè ti beke bèè ni mutōmmú, wèè bè duó ndinùù kè bè maá Kuyie ncīètè ke íinko dihèi kó iduotí?

¹⁰ Kè ti bè bìéké be yètè ke yè wàri ke bo yè nda duó.

¹¹ Kè bè ti tēíné ke tú, bè tu Kuyie nkùù baké keĩnkè nè ketenkè ku kàbe mbε, kè be kóo kpààti diεwè mǝu wèè do maá Kuyie ncīètè nè dimònni.

¹² Kè be yembèe cààrè Kuyie nkùù bo keĩnkè kè ku miεkeε bè yè, kè kùu duó nkè Kandee kàbe kóo kpààti Nebukannesaa wèè bo Babidōnni kòo bè pǝnte ke taunnè Kuyie ncīètè ké bè kònnè Babidōnni kè bè ntú tidaati.

¹³ Mεmε okpààti Siduusi kpàti benni ketiri miεke kòo duó ndinùù ke dǝ bèe wēte ké tè maá.

¹⁴ Kòo tùóté Kuyie ncīètè nenti mesǝ nnè timátì pèitì okpààti Nebukannesaa do tùóté tì Kuyie ncīètè miεke Sedisadεmmu kékōnnè Babidōnni kétanne tebǝcīètè, kòo tì duó Sesibasaa wèè tu be kóo kùmàndáà.

¹⁵ Kòo ò nàké ke tú wèè túóté de kó tinenti kékǝtenè Sedisadεmmu Kuyie ncīètè borè kéwēte ké tè maá te fǝtìri.

¹⁶ Mεmε kè Sesibasaa kǝte ke pūūté Kuyie ncīètè Sedisadεmmu kè bè kpaá ke tè maá, bá tè í dèè.

¹⁷ Okpààti kàa bo yie mbèe fié Babidōnni kóo kpààti kó yepáte káyà kè nsà kòo kpààti Siduusi mènke do duó ndinùù ke dǝ bèe wēte kémaá Kuyie ncīètè Sedisadεmmu. Kè bè dèè okpààti, á ti nàké a yεmmè dòmmè de kó tináànì ïnkè.

6

Okpààti Dariyuusi bè tēíné tì

¹ Mènme kòo kpààtì Dariyuusii duó nkè bèe fié Babidònni èi kó tinentì nè yepáte yèè tò dihei kó tináaàntì duó duó sii cǐi miéke,

² kǐyà kupátíkènkù makù Medii kó kutempē Ekibatanni èi kó tēčēkpetè matè miéke, kè kù cití ke wǎri ke tú: Nte tii dǎdǎ.

³ Okpààtì Siduusi kpàtì benni ketirì miéke kòo duó ndinùù ke dǎ: Bèe wēte kémaá Kuyie ncǐtèè Sedisademma te fǎtirì te pūū borè, kè bè nfeu Kuyie nyiwūš te miéke, bèe tè maá kè te cómmè mbo mǐtiribè sipísitǎāti, mepēkùmè mèè mǎa.

⁴ Bèe cónné titǎpǐtèi icuó itǎāti tidabēeti kucú kùmáa, okpààtì kó ditou kó idíítí ìi yó nyietì te marimù kó idíítí.

⁵ Kè dèè tukúnè Kuyie ncǐtèè kó tinentì, mesǎo nkpeti nè timátì pǐtì kpēti okpààtì Nebukannesaa do tǎnì tì Sedisademma kékonnènní Babidònni bèe tì tǐnné Sedisademma Kuyie ncǐtèè bá kùù nenkù ku fǎtirì.

⁶ De kó difǎnkúò kè okpààtì Dariyuusii wǎri dipátiri kukó nyáa kóo kùmàndáa Tatennaii nè Setaa-Bosinnaii nè betǎntitǎbè ké bè nǎké ke dǎ: Di bá mbè kǎónnè.

⁷ Yóunè Sifube kóo kùmàndáabè nè Sifube kó bekótibè kè bè mpǐ mbe tǎmmú kémaá Kuyie ncǐtèè te fǎtirì.

⁸ Nte di yó mpǐ mmèè botí mumarimù kó mutǎmmú: Díndi kukó nyáa kǎbe di kó dihei kó ditou di yietì dǎmpòò kè ìi taà, di yó nyi nyietì betǎmbè ke báa kǔnté.

⁹ Kè di ndake kénduò nyikúò niùbè dè bè bèkú dè bá dii yiè. Yenaadapàa nnè yepedakè nè yepedabe bè yó nfeu dè Kuyie nkùù baké kǐnkè nè ketenkè ke

tuò, ké nkù pãännè tidiiti nè mukókúó nnè menàà nnè mèkùò.

¹⁰ Kè di nfeu Kuyie nkùò baké keĩnkè nè ketenkè iwũò ke tuò, ku òke dó yèè pãrè kufõõku kpeye ké nkù bàánnè okpààti kpréi, wenwe nè o bí kè bè nfòu.

¹¹ Kè wèè yete de kó dinùù bèe deite o cĩètè kó kudúú kóò tōnné kòo cĩètèe naá nditápùò.

¹² Kòo kpààti mǎu yoo kubotí makù yete n dóú ndii nùù, ke di pèennè ke pònte Kuyie ncĩètè Sedisademma bè yu dè ku yètìrì, Kuyie nku mómmǎnkù kuù yóó ò poté. Mí nhokpààti Dariyuusi mǐi dóú nde kó dinùù ke di dò nkédòò weti weti.

¹³ Mèmmè kè kukó nyáà kóo kùmandáà Tatennaii nè Setaa-Bosinnaii nè betōntitòbè kè bèe tūnne okpààti Dariyuusi dóú ndii nùù weti weti.

Bè do kpetémè Kuyie ncĩètè pàntè

¹⁴ Kè Sifube kó bekótìbè biè nsaké be tōmmú kéntū Kuyie mpããnáànti náam̀bè Ido birè Sakarii nè Asee bè do bè nàké tì, kédeè Kuyie nyIsidayeεribε tū nkù cĩètè mumarimù kù do bè nàké ke yè ndè ndōmmè. Nè Peresi tenkè kó bekpààtìbè Siduusi nè Dariyuusi nè Aditakisεsi bè do bè duó ndii nùù.

¹⁵ Kè bèe deè Kuyie ncĩètè mumarimù okpààti Dariyuusi kpàti benni dikuónni, otǎnkù bè tu wè Adari * o yiè tǎánni.

¹⁶ Isidayeεribε nè ikuó niùbè nè Defiibe sǎmbe nè betòbè bèè do itè Babidǎnni kékonní Sedisademma,

* **6:15 Adari:** Bè do kaa mmèè botí be kó betààbè nè ti kaammè yíe ndè í wè. Be kóo tǎnkù Adadi berinè ti kó betààbè odéri nè tǎánwè de cuokè nke (dewannè nè tibènti de cuokè).

kè bèe ãnnè dibanni, kényãnkunè diwèi bè maámè Kuyie ncīètè ke dèè.

17 Kè bèe fíé ku cīètè kpetímù kpéi yenaadakè tekòutè (100) yepedakè sikousidé, (200) yepedabe sikousinàà (400), kényiénè yebodakè epíítè nè yèdèè Isidayeεribe bá kùù wuò kó meyei ncīémmè kpéi.

18 Kòo kanne ikuó nìùbè be tǎnti be tǎnti nè Defiibe sǎmbe bè dò nkémpī mmèè botí Kuyie ncīètè miεke mutōmmú Sedisadεmmu. Kè bè ntū nti wǎri Mǎyiisi páte miεke ke yé ndè ndōmmè.

Bè baámmè diyentébanni

19 Dibenni pànni kóo tǎnkù ketiwè kó diyìè epíítè nè dinaanni bèè kó dimàà do konní Sedisadεmmu kè bèe baá ndiyentébanni.

20 Ikuó nìùbè nè be tebii Defiibe kè bèe wēnné kédòò mēwénkùmè kó ikuó kēwénkūnne bεmáà kéfíé diyentébanni kó iwūō bèè konní Babidōnni be kpéi nnè bεmóm̄m̄m̄be be kpéi,

21 kè bèe wēnné kédi diyentébanni kó mudii nè bèè do tú tidaati Babidōnni ke konní, nè bèè do kpáá dihei kényatenè bεmáà yehékè teyè kǎbe dǎori mēè yei, kēwammú ti Yiè nKuyie nyIsidayeεribe tū nkù.

22 Kè bèe sǎoté kémbaà mpéèbè bèè í kǎorenè mutie mùù muuti be kó dibanni ke nyãnkunè diwèi ke dò yewe yéyiekè. Ke yé ti Yiè nKuyie ndo bè dǎòmè mesàà nkékááké Asidii kóo kpààti yémmè kòo bo bè teennè Kuyie bεmbe Isidayeεribe bè tū nkù cīètè marimù.

7

Ikuó nìùti Esitadasi kó tináahti

1-6 Pɛrɛsi kóo kpààtì Aditakisɛsi kó tikpàtì miɛkɛ nkɛ onìtì bè tu wè Esitadasi ò konnìmè Babidɔnni. Ò do tú ikuó nìùtì diɛwè Anɔɔ kó kufuku kou mɔ̀u nwe. Wèè pɛitè Pinasi kè Pinasii pɛitè Abisuaa kòo pɛitè Bukii kè Bukii pɛitè Uusii kòo mɛ ntó pɛitè Sedaya kè Sedayaa pɛitè Mɛdayɔti kè Mɛdayɔtii pɛitè Aitubu kè Aitubuu pɛitè Sadɔki, kòo pɛitè Sadummu, kè Sadummuu pɛitè Idikiya, kè Idikiya pɛitè Asadia, kè Asadiaa pɛitè Sedaya, kòo pɛitè Esitadasi. Bè do bè p̄m̄m̄ kékonnè Babidɔnni, kè wèè w̄tɛ kékonnì Sedisadɛmmu. Esitadasi do tú wèè yé wènwe Kuyie nyIsidayɛeribɛ tū nkù kuó, kù do duó nyì Mɔ̀yiisi. Kè Kuyie nní nhò bonè kédúó nkè Pɛrɛsi kóo kpààtìi ò duó nwè ò beké dèè kó dimàà.

7 Dè do tú okpààtì Aditakisɛsi kpàtì benni yiénnì ndi Isidayɛeribɛ miɛkɛ, kè ikuó nìùbè mabè nè Defibɛ nè bedèmbè nè bèè bàa yebòrè nè bèè tu betɔ̀mbè Kuyie nciētè miɛkɛ bè tù̀kɛnìmè Sedisadɛmmu.

8 Dii benni yiénnì kóo tǎnkù nummuwè miɛkɛ nkɛ Esitadasi konnìmè Sedisadɛmmu.

9 Ò do itè Babidɔnni dibenni tǎnkù ketiwè kó diyè ketirì ndi, kè Kuyie nní nhò bonè kòo tuòkɛ Sedisadɛmmu nè kusààkù otǎnkù nummuwè kó diyè ketirì.

10 Esitadasi do duó nho yèmmè mme kénkaa ti Yiè nKuyie nkuó pátìri kɛ dɔ̀ori ì yèmmè, kètié ny-Isidayɛeribɛ Kuyie nkuó nè ku tannò.

Okpààtì Aditakisɛsi do duóm̄m̄ mutɔ̀mmù Esitadasi

11 Ntɛ okpààtì Aditakisɛsi do duó ndìi pátìri Esitadasi wèè do tú ikuó nìùtì, kɛ wǎũ Kuyie nkuó nè ku tannò kɛ dè tiè nyIsidayɛeribɛ.

12 Kè de kó dipátiri wàri ke tú: Mí nhokpààti diewè Aditakisesi mî wàri dipátiri ke da dɔu nfɔ̄ nhɛsitadasi Kuyie nkùù baké keĩnkè nè ketenkè ku kuó nùtì wèè ì wǎũ.

13 N duóm̄mu dinùù ke tú bèè kó dimàà bo n kó dikpààtìyuu miεke ke tú Isidayεeribe, ikuó niùbè yoo Defiibe ke dɔ kékò nSedisadεmmu bè bo na ké da neiñè.

14 Mí nhokpààti nè nh èi kó betũmbè bèyiekè tî wēnné ke da duónko Sudaα kαbe tenkè Sedisadεmmu, kàa bo yà kè nsà kè bè tũ nKuyie nha tũ nkù kuó pátiri a tɔ dì yēmmè.

15 Kàa bo ntɔ mí nhokpààti nè n kó betũmbè ti yēmmè kó yepārè mesɔɔ nnè timátì péitì ti pā dè Kuyie, kùù cĩètè bo Sedisadεmmu, Isidayεeribe tũ nkù.

16 A múnkεε cuónè Babidɔnni kó kutempē nkαbe ikuó niùbè nè cēnkoo kαbe duó nyèè pārè kè yè bo kò nSedisadεmmu nKuyie ncĩètè kpéí, yèè tu timátì péitì nè mesɔɔ.

17 Nè de kó timátì péitì nti, a bii yóó doñnèmè yenaadakè nè yepedakè nè yepedapàà nnè tidiitì nè menàà dèè ð̄ kαarenè, kàa dè tũ ndiwũɔtònni ñnkè Kuyie ncĩètè miεke Sedisadεmmu.

18 Timátì péitì nè mesɔɔ ndèè bo nkpaá dí dè dòñnè di dómè f̄ nnè a tebí kéntũ nKuyie di tũ nkù dómè.

19 Kuyie ncĩètè nenti bè da duó nti ku cĩètè tōmmú kpéí, ntɔ ti ké kù duó nku cĩètè Sedisadεmmu.

20 Kè dèmarè kpaá ke dò nkédòò Kuyie ncĩètè kpéí a baá okpààti kó didítítɔu miεke ké dè dòò.

21 Mí nhokpààti Aditakisesi m móm̄muɔ, mmî duó ndinùù kukó nyáà kó sidíticēĩ simɔu ke tú kè

ikuó nìtùti Esitadasi Kuyie nkùù baké keĩnkè ku kuó wããti di beke dèè kó dimàà dí dè nhò duó nke báá ɔɔɛ.

²² Dí ò duó ntimáti péítì cìdòòbè sikɔupísitàãti (3000) tidiiti cìdòòbè sikɔupíísitàãti (30000), menàà nyedíè nsikɔupísìnàà (4000), mmekùò nyedíè nsikɔupísitàãti (3000), di pã mukókúú ndi dó dè mmamè.

²³ Kuyie nkùù baké keĩnkè nè ketenkè kù búi ndii nùù ku kó benìtibè dò nké di dòòmu nè tikõnyauti, kè dèe yie nkè ku mieke báá ti do, mí nnè m bí nè n kpààtiyuu.

²⁴ Nte dinùù teri n di duó ndi: Ikuó nìùbè nè Defiibe nè bedembè nè bèè bàa yebòrè di bá mbè còú dàmpòò nè iheikèndíítí nè tipotanti kpɛyi, bèè kó dimàà pĩ mmutõmmú Kuyie ncíètè.

²⁵ Fó nha mómmuɔ Esitadasi, nè Kuyie nda duó mmèè cii mmieke á ãnné Kuyie nkuó wããbè nè bebeémbè bèè yó mbekùnè kukó nyáà kó benìtibè bemɔu. Bèè kó dimàà yé Kuyie nkuó kè bèmabè í ì yé dí ì mbè tié.

²⁶ Kè wèè yete ke í tũnne Kuyie nha tũ nkù kó ikuó yoo mí nhokpààti kpɛyi, bèe yṹs̄ nho to, kòò dò nkékuɔmu, bèe ò kùɔ. Kè bè bo ò dènne o kàbe cuokè bèe ò dènne, kòò bo yietímu wèe yietí, kè bè me mbo ò kpetínnému bèe ò kpetínné.

Esitadasi sãntemè Kuyie

²⁷ Kè Esitadasii sãnte ti Yiè nKuyie nke dò: Ti Yiè nKuyie n yembè do tũ nkù yètìrì ñdeu. Kuù ãnné okpààti meyèmmè ò bo déúkùnnemè ku cĩètè tèè bo Sedisademmuu.

28 Kuù duò nkòo kpààtì nè bèè tu o kó betũmbè nè bèè tu bekperibè o kpààtiyuu mieke kè bè n dðò mesàà. Mí m mómмуò nkè m múnkee túóté tikõnyauti, ke yé ti Yiè nKuyie nni mbonèmé. Mèmmè kè n tíi nyIsidayeeribe kó bekótibè kè bè n neinè kékonní.

8

Bèè do neinè Esitadasi kékò nSedisademmū

¹ Kè Esitadasii béi nke dð: Nte tíi naàmuntì kəbe do n neinè n yitè dii mðnni ke nkũnti Sedisademmū okpààtì Aditakisési kó dimònni.

² Bèè tu:

Kedisõmmu Findèe naàmũnkou
nè Etamaa naàmũnkou,

Danniyèeri nè Atuusi Dafiti naàmũnkù kou,

³ nè Sekanniya nè Padosi naàmũnkù kəbe nè Sakarii kəku kè bè r̀mbo bəm̀ou benitidaabè tek̀ùtè nè sipisĩnũmm̀ũ (150),

⁴ nè Pasati-M̀oabu naàmũnkù kəbe nè Ediyoyennaii naàmũnkù kəbe nè Sakarii naàmũnkù kəbe kè bè r̀mbo benitidaabè sik̀ousidé (200).

⁵ Sekanniya Yasiyèedi naàmũnkù kou Satuu yaàbí kè bè r̀mbo bəm̀ou sik̀ousitããti (300).

⁶ Adinni naàmũnkù kəbe, Ebeedi Sonnatãã yaàbí, kè bè r̀mbo benitidaabè sipisĩnũmm̀ũ.

⁷ Edammu naàmũnkù kəbe Yesayaa Atadii yaàbí kè bè r̀mbo benitidaabè sipisĩyiekè.

⁸ Sefatia naàmũnkù kəbe Sebadia Mikayèedi yaàbí kè bè r̀mbo benitidaabè sipisĩdè.

⁹ Soabu naàmũnkù kəbe Abudiasi Yeyèedi yaàbí kè bè r̀mbo benitidaabè sik̀ousidé nè tẽpĩtè nè bèni (218).

¹⁰ Yedomiti naàmũnkù kəbe Yosifia yaàbí kè bè r̀mbo benitidaabè tek̀ùtè nè sipisĩkuò (160).

11 Bebaii naàmùnkù kɔbe Bebaii yaàbí kè bè r̀bo bemou benitidaabè sipísìdé nè bèni.

12 Asikadi naàmùnkù kou Akatanni yaàbí kè bè r̀bo benitidaabè tekòutè nè tepíítè (110).

13 Adonnikammu naàmùnkù kɔbe bètããti bèè do tú besám̀p̀bè Edifedee nè Yeiyεedi nè Semmaya kè bè r̀bo benitidaabè sipísìkuò.

14 Bikibaii naàmùnkù kou Utaii nè Sabudi yaàbí kè bè r̀bo bemou benitidaabè sipísìyiekè.

Esitadasi nè o kɔbe bè bàátímè ke bo wētēni Sedisadēmmu

15 Mēm̀me kè n tí mbenìtìbè kukó nkùù pũò nke kòrì Aafa eì ku borè kè ti ndè bo ke d̀ yeuwe yètããti, kè n wèi benìtìbè nè ikuó niùbè bá n yí nyà Defii wuò nkɔbe.

16 Mēm̀me kè n t̄ nkè bèe yúnì bekótìbè Ediesεε nè Adiyεeri nè Semmaya nè Edunatanni nè Natãã nè Sakarii nè Mesudammu kényiénè Yoyadibu nè Edinatãã t̀u, bedé beè do tiè nKuyie nkuó.

17 Kè m̀ bè t̄ Kasifia kóo kpààti Ido borè nè o tebíi ke d̀ bèe bè nàké kè bèe duònní betãmbè bèè bo ti teennè mutãmmú Kuyie nti tũ nkù c̄fètè miεke.

18 Kè Kuyie nní nti bonè, kòo ti duònní Sedebia, onìtì wèè màke meyèmmè. Ò do tú Madi bí kó dèmarè nde Defii bire, Sakɔbu yaàbire nè o bí nè o tebíi kè bè r̀bo benitidaabè tepíítè nè bèni.

19 Kè bèe yiénè Asabia nè o nantè Yesaya Medidaa bire nè o yaàbí, kè bè r̀bo benitidaabè sipísìdé.

20 Dafiti nè bekpààtìbè t̀bè bè do tããtè bè kè bè r̀bo benìtìbè sikousìdé nè sipísìdé (220) kè bèe bè duó nDefiibe, kè bè bo mbè teennè mutãmmú Kuyie nc̄fètè miεke kè bèe wãri be yètè.

21 Dèndè Aafa kó kukó mborè n dǒummè menùboummè kó dikàtìrì kè ti bo bou ndinùù kékékùnnè timáà Kuyie nyìkè, kè ti cèmmu nnaati kè tí tuòkenè diwèì, tínti nè ti cǐĩ kòbe nè ti kperè.

22 Ifei ìì do m bonè m bo bekemè okpààti behāāpànsāndèèbè kè bè ti cíe, ké nti kǎnké ti dootitòbè. Ti do die nkénákému okpààti ke dò: Kuyie nhō mbonèmu bèè kù waà, kè bèè kù yete ku mièke diekèe do be ìnkè.

23 Mèmmè kè tí bou dinùù kékuónnè Kuyie, kè kùu cǒutè ti báammii ké ti teennè.

24 De kó difōnkúò kè n tǎāté ikuó niùbè mièke bekótíbè tepíítè nè bèdébè kényíénè Sedebia nè Asabia nè be tebíi mièke benitìbè tepíítè.

25 Dèndè be ìkè m bennémè timátì péítì nè mesǒ nnè tinentì okpààti nè o tǔmbè nè o eì kó bekótíbè nè Isidayeeribe bèè dè bo bè do pāmmú yèè pǎrè Kuyie ncǐètè kpéí.

26 Kè dè mbo timátì péítì tónni sipísidé, timátì péítì kó tinentì sààti tónnibè bètǎāti mesǒ ntónni bètǎāti.

27 Yesǒǒbǒ sipísidé kè yè donku mǎnnè medítibii ntekǒupíítè (1000) nè disǒwũǒ kó ibòòke ìdèì kè ì wenni ke mièti ke dǒnnè mesǒ nsààmè kè i donku kpeñni.

28 Kè m bè nàké ke dò: Bè di cǎnné mèè botí kè di tú ti Yiè nKuyie nkòbe ke pǐ nku tǒmmú, tinentì bè múнке ti cǎnnému kè tì tu ti Yiè nKuyie nkpeti, kè bè tì pǐnnè Kuyie ndi yembè do tǔ nkù tǒmmú.

29 Dí nti tǒ mesàà nké tì tǔòkenè Sedisademmu ké tì benné ikuó niùbè diebè nè Defiibe nè Isidayeeribe kó bekótíbè ìkè, ké tì dǒú nSedisademmu ti Yiè nKuyie nti tǔ nkù cǐètè mièke.

30 Mèmmè ikuó niùbè nè Defiibe kè bèè túóté de kó

timátì péítì nè mesəə nnè tinèntì bè benné tì ké ntì tə kétuəkenè Sedisadəmmu Kuyie nti tū nkù cīètè.

Bè kètémè nè bè tùəkemè Sedisadəmmu

³¹ Dibenni tǎnkù ketiwè kó diyìè tēpíitè nè didèrì yìè ndi ti do itémè Aafa kó kukó mborè kénkəri Sedisadəmmu. Kè Kuyie nní nti bonè kuce ké nti kǎnké ti dootitəbè nè beyóóbè bo ti dintémè kuce,

³² kè tí tuəkení Sedisadəmmu ke dò yewe yētāāti ke ompu.

³³ Diyìè naanni yìè kè tí benné timátì péítì nè mesəə nnè tinèntì Kuyie ncīètè miēke, kè tí dè duó nyikuó nùtì Odia birē Mēdiməti, kè Pinasi birē Edeasaa ò bonè, Defiibe wuə nkəbe Sosuwee birē Yosabati nè Binnuii birē Nəadia kè bè bè bonè.

³⁴ Kè ti dè kàa ndeməu, ké dè benné kè dè cēékù mma kù do mamè.

³⁵ Bèè kó dimàà ité Babidənni ke konní Sedisadəmmu kè bèè fié iwūō ti Yiè nKuyie nyIsidayēeribe tū nkù kétuə, yenaadakè sipísidé nè yédèè Isidayēeribe wuə nyiməu kpéi, yepedakè sipísiwei nè yèkuò (96), yepedapàà nsipísiyiekè nè yēyiekè (77), yebədakè tēpíitè nè yédèè meyi ncīēmmè kpéi, deməu kè bèè dè tùə.

³⁶ Kè bèè deè kè n náké beheikènkótìbè nè kukó nyàà kóò kùmandáábè kè bè bo ndake ké n teénne Isidayēeribe bèè pī nKuyie ncīètè kó mutəmmú.

9

Isidayēeribe do tùókémè benitipòbè bèè í tū nKuyie

1 Kè Isidayeeribe kó bekrààtìbèe katení m borè ké n náké ke dò: Isidayeeribe bemou ikuú niùbè nè Defiibe bèè í yàtenè bemáà ibotí tɛi, bè teeté Kannahāā kɔbe mbe nè Itiibe nè Pedisiibe nè Sebusiibe nè Amɔniibe nè Mɔabiibe nè Esibiti kɔbe nè Amɔriibe bè dɔ̀̀ri mèè yei mme.

2 Bembe nè be bí bè tùóké ibotí tɛi kó besapàmbè mbe ke puoke, bembe bèè tu Kuyie nkɔbe ke kɔkénè bèè í tú Kuyie nkɔbe. Bekrààtìbè nè sikrààtìbìi bèè tu beketibè ke ta de kó medɔ̀̀rìmè yeime mieke.

3 N kèè dii m̀̀nni de kó tináànti kékèrí n yàati kéfɔ̀̀ri n yùti nè n deènfè, kénkari kè n yèmmè cààrè.

4 Kè kufɔ̀̀wáá nhauté benìtibè mabè Kuyie ny-Isidayeeribe tũ nkù yàà bo bè potémè kè bè ntíkú m borè, kè nní nkari dikũnweñni kè dèe tuɔkenè bè ɔ̀̀ fíe dii m̀̀nni kuyuoku kó iwũɔ.

Esitadasi bàammè Kuyie nyIsidayeeribe bemou kpéi

5 Dè tùòke dii m̀̀nni bè bo fíe dè kuyuoku kó iwũɔ kè n yíténí n do kari dè nè meyeñcààrìmè ke baa dáátí tiyaàkētíti kédoroo kénínkú kényoute n nou n Yiè Kuyie mbíékè ké kù bántè ke dò:

6 N Yiè nKuyie, ifei ìi m bo n yí dàátí ke bo mbúú a bíékè ti cààrìmè mèè deuke ke sènté ti yɔ, kè ti yei nyotí ke káá ntiwetì.

7 Nè ti yembè kó dim̀̀nni nè yíenní ti cààrìmè í sènní deè te kè ti dootitɔ̀̀bè ti na tɛnti nè ti kó bekrààtìbè nè ti kó ikuú niùbè, ke ti kɔ̀̀u kè ti naá ntidaati kè bè fèkù ti kperɛ kè ti ta ifei mieke, dè mè mbo ke ti d̀̀mmè yíe.

8 Kè dè í tú di m̀̀nni ti Yiè nKuyie a me nti kuómmè mesémmè ke duó nkè bèmabè yenté, kàa

ti kànnε a càhné dīi bòrì ti kpréi ndimònnì sàm̀pòrì miεke kè ti yèmmè càté kàa ti om̀p̀nnε.

⁹ B́a nè ti me ntúmè tidaatì, ti Yiè nKuyie nha í ti dootóo, f́ò duó nkè ti m̀ake metaummè sààmè nè Pεresi kóo kpààtì, kòò ti p̄a kuce kè ti bo íi nha ćìt̀è t̀è do, kém̀ote ti bo mborè Sedisademmu Sudaà tenkè miεke.

¹⁰ Ti Yiè nKuyie nkè t̄ì nti t̀ù̀kení ti bo ý ba? Ti yete m̀è kpéi nke a nùù

¹¹ a do ǹké d̄i a p̄ān̄aant̄ì ńaam̀bè kè b̀èe d̄i w̄ari, d̄ì tu: Dih̄èi di tati d̄i ke bo d̄i tieke, d̄i tu dih̄èi m̄eyei mbo d̄i ndi, ben̄it̄ibè b̀èe d̄i bo beè d̀òrì is̄ake dih̄èi dim̄ou miεke.

¹² Nè de kpéi di báá b̀è duó ndi kó besamp̀ambè kè b̀èe puoke, di me mbáá túóké be kó besap̀ambè képuó ndi bí. Di bá nwanti de kó ibotí kó kuyen̄naat̄i mak̀u bit̄i, yoo be kó mmesàà mmamè! Mem̀me di bo kpenkem̀é kényo ndèè tu desààrè de kó dih̄èi miεke, kè di bí s̀oté kényo de kó dih̄èi kó desààrè s̄áà.

¹³ Ti yei nnè ti yetímè deè s̄ũ ndèè te kè t̄ì nti t̀ù̀kení, nè mem̀me ti Yiè nKuyie mbá a í yṹ nti to a do dò nké yè yṹmmè, ke ti s̀ús mbe nnit̄ibè.

¹⁴ Ti t́enke báá yie nkécaàrè a tannò kétaunnè timáà be b̀o f̀éubè ḱéntóú be kó besap̀ambè ke puokú a miεke yàà bo ti yè kàa ti kuə páíí bá a báá s̀ús nhòm̀ò.

¹⁵ A wet̄ímu f́ nti Yiè nKuyie tínti Isidayεeribe ti t̄ũ nkù, deè te kè ti kpáá yíe nke bo a ìkè. Ti bant́emu ti caàrìmè, ti kóo m̀ò do í m̀annè ḱenkpaá ke f̀ò.

Sifube bètimè bè do tùóké bèè nitipòbè ibotí tɛi mièke

¹ Kè Esitadasi nnínkú Kuyie nc̄f̄ètè ìkè ke kuò nke kù bàá nke dáanko be yei, kè Isidayeeri be còmú o borè dit̄innì p̄eu benitidaabè nè benitipòbè nè ibí, ke kuò ntin̄nieti.

² M̄em̄me Edammu bire Yeyedi kó debire Sekanniya nàkémè Esitadasi ke d̄ò: Kuyie, ti cààr̄emu ti tùókémè benitipòbè ibotí tɛi ì bo di nhèi mièke i cuokè ke puoke, nè mem̄me kuce kpaá bomu tínti Isidayeeri be ti kp̄éi.

³ Ti d̄ò nkétúóté met̄ā́tímè m̄me Kuyie nyìkè kébeti ti cuokè ibotí tɛi kó benitipòbè ti tùóké bè nè be bí k̄entū nhokótì Esitadasi nè bèè m̄ake Kuyie nti tū nkù kó kuf̄waá mbè bo ti duó ndì nù. Ti yó ntū Kuyie nkuó ȳemmè m̄me.

⁴ Á íté kécómú! F̄ò̄ te de kó mut̄ōmmú a bá nȳèkù ti bo a f̄ānkúò ndi, p̄i mmut̄ōmmú.

⁵ Kè Esitadasii íté kécómú k̄edúò nkè ikuó niùb̄eè parikè. Kè Defiibe parikè kè Isidayeeri be bem̄ou parikè ke d̄ò, bè yóó d̄òmu Sekanniya do b̄éi nti.

⁶ Kè Esitadasi íté Kuyie nc̄f̄ètè borè, kék̄ate k̄eta Ediasibu bire Yoananni dieku k̄eyiè mbá ò í ndi, ò me nyí nȳa menie, k̄o ȳemmè cààr̄è meyei n̄ho k̄obe bèè yenté ke konní bè d̄ò m̄è kp̄éi.

⁷ Kè bèè p̄ièké Sudaa tenkè mièke nè Sedisad̄emmu Sifube bèè kó dimàà konní be kp̄éi nke d̄ò, bèe tí nSedisad̄emmu.

⁸ Bekp̄àatibè nè beheik̄enkótibè kè bèè t̄ā́tè ke tú: Kè yewe ȳet̄ā́ti p̄ḗtè kè wèè í k̄atení met̄ímmè bèè ò d̄enne Isidayeeri be mièke k̄étúóté o kper̄e.

⁹ De m̄onni kè Sudaa k̄obe bem̄ou nè Bensam̄e k̄obe kè bèè tí nSedisad̄emmu yewe ȳet̄ā́ti yenye

mieke otànkù owéinwè kó diyìe sipísidé, kè benìtibè bemou ntíkú Kuyie ncĕtè ke kpeutí nè de kó tináaṅtì kpéi nè fetaafe ñumè.

¹⁰ Kè ikuó ñùtì Esitadasii íté ké bè nàké ke dò: Di caàrèmu di tùóté dè ibotí tɛi kó benitipòbè kè de kó meyei nyìe metēmè ñnkè.

¹¹ Di mmònnì banténè di caàrìmè ti Yiè nKuyie ndi yembè do tū nkù ìikè, kédòò kù dómè káyatenè dimáà ibotí tɛi kòbe bèè bo di nhèi mieke kèbeti i kó benitipòbè di tùóké bè.

¹² Benìtibè bemou bèè do tíkú kè bèe pĕkéké ke dò: Ti dò nkédòòmu a béi ntì.

¹³ Ti né sūmu kè dè wète ke tú diyōò, ti báá na kémbo ditowaà, dè me nyí tú diyìe dimáà kó mutōmmú yoo yédéè, ti í sénní tinti bèè bo de kó meyei mmieke.

¹⁴ Ti kó bekpààtibè mbo die nnè ti kó yeyètè, bèè kó dimáà tùóké benitipòbè ibotí tɛi mieke kè bè nkòrini di bè kèété yèè we, kénneínè be eké kó bekótíbè nè bebeémbè, kè ti nkémmúnè Kuyie ndo ti yè kèè mieke de kó meyei nkpeí nkè bo bonkemè.

¹⁵ Kè Asayeedi bire Yonnatanni nè Tikifa bire Yasia kè bèè máà yete de kó tináaṅtì, kè Mesudammu nè Sabetaii Defii wuò nkou kè bèe bè kònné.

¹⁶ Bá nè memme kè Isidayeeribee dòò bè do tāāté tì kè ikuó ñùtì Esitadasii tāāté sicĕi kó bekótíbè bá tèè cĕtè kèwāri be yètè, kè bèe kari otànkù píinwè kó diyìe ketiri ke bo yà de kó tináaṅtì.

¹⁷ Dibenni teri kóo tãnkù ketiwè kó diyìe ketiri do ndi bè dèèmè bèè do tùóké ibotí tɛi kó benitipòbè de kó tináaṅtì.

Bè bàtemè bèè do tùóké ibotí tɛi kó benitipòbè

18 Ikuó nìùbè miεke nte bèè do tùóké ibotí tɛi kó benitipòbè be yètè: Sosuwee naàmùnkù miεke Yotisadaki yaábí nè be tebíi, Maseya nè Ediesεε nè Yadibu nè Kedadia.

19 Kè bèè béi benitìbè bεmɔu ìikè ke dò, bè bo beti be pobè, káféúté dipedaà meyei nhūtímù kpéi.

20 Imεε naàmùnkù kɔbe Ananni nè Sebadia

21 Adimmu naàmùnkù kɔbe Maseya nè Ediya nè Semmaya nè Yeyεedi nè Usiya

22 Pasuu naàmùnkù kɔbe Ediyoyennaii nè Maseya nè Isimayεeri nè Natanneyeedi nè Yosabadi nè Edasaa.

23 Defii naàmùnkù kɔbe: Yosabadi nè Simmeii nè Kedaya kè betòbè ò yu ke tú Kedita yoo Petayaa nè Yeuda nè Ediesεε.

24 Kè bεdembè kó kutɔnkù kou ríbo weè tu Ediasibu, bèè bàa Kuyie ncíètè, kè be kó kutɔnkù kɔbe ríbo bèè yètè tu: Sadummu nè Tedemmu nè Uudi.

25 Isidayεeribe sɔmbe miεke nte bèè do tùóké ibotí tɛi kó benitipòbè Padosi naàmùnkù kɔbe Adammia nè Isiya Madikia Minyaminni nè Edeasaa Madikia tau nè Bennaya.

26 Edammu naàmùnkù kɔbe: Matanniya nè Sekanniya nè Yeyεedi nè Abudi nè Yedemɔti nè Edii.

27 Satuu naàmùnkù kɔbe: Ediyoyennaii nè Ediasibu nè Matanniya nè Yedemɔti nè Sabadi nè Asisa.

28 Bebaii naàmùnkù kɔbe Yeoananni nè Ananniya nè Babaii nè Atidaii.

29 Bari naàmùnkù kɔbe Mεsudammu nè Maduki nè Adaya nè Yasubu nè Seadi nè Yedamɔti.

30 Pasati-Mɔabu naàmùnkù kɔbe Adina nè Kedadi nè Bennaya nè Maseya nè Matanniya nè Besadedi Binnuii Manansee.

31 Adimmu naàmùnkù kou Ediesεε nè Isia nè Madia nè Semmayα nè Simmeōō,

32 nè Bensamεε nè Maduki tòu nè Semmadia.

33 Asummu naàmùnkù kɔβε, Matennaii nè Matata nè Sabati. Edifedee nè Yedemmai nè Manansee nè Simmeii.

34 Bani naàmùnkù kɔβε, Madaii Amudamu nè Uyεedi,

35 nè Bennayα Bedeiyα nè Keduii.

36 Wanniyα nè Medimoti nè Ediasibu,

37 nè Matanniyα nè Matennaii nè Yasaii,

38 nè Banni nè Binnuii nè Simmeii,

39 nè Sedemia nè Natanni nè Adaya.

40 Makinadebaili nè Sasaii nè Sadaii.

41 Asadεedi nè Sedemia nè Semmadia.

42 Sadummu nè Amadiα nè Soşefu.

43 Nebo naàmùnkù kɔβε, Yeiyeedi nè Matitia nè Sabadi nè Sebina nè Yadaii nè Yoyεedi nè Bennayα.

44 Bεmβε kó dimàà tu bèè do tùóké bεmβε ibotí tɛi kó benitipòbè. Kè bèmabè kɔβεε bè piénè ibí.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 28 Dec 2024 from source files dated 31 Aug 2023

5e2d0f12-f1d8-567b-bf98-cf1de4599d16